



## U ovom broju:

- ➔ USVOJEN BUDŽET ZA 2017. GODINU
- ➔ KONSTITUISANO OPĆINSKO VIJEĆE TEŠANJ
- ➔ POTPISAN UGOVOR ZA GRADNJU BUNARA ZA EKSPLOATACIJU VODE ZA PIĆE U JELAHU
- ➔ NABAVLJENA GEODETSKA OPREMA
- ➔ OBILJEŽEN 10. DECEMBAR – DAN GRADA TEŠNJA
- ➔ OPĆINA TEŠANJ I UNDP ZAJEDNIČKI REALIZUJU POJEKTE U MJESNIM ZAJEDNICAMA
- ➔ DEMINIRANJE U 2016. GODINI
- ➔ CALL CENTAR OPĆINE TEŠANJ



**OPĆINA TEŠANJ**

Trg Alije Izetbegovića 11

[www.opcina-tesanj.ba](http://www.opcina-tesanj.ba)

e-mail: [optesanj@bih.net.ba](mailto:optesanj@bih.net.ba)





Putevi, rasvjeta, psi lualice, ekološki incidenti,  
javne ustanove, javna preduzeća...

*Želite da pitate ili prijavite problem?*

 **POZIV NA BESPLATNI BROJ  
0800-234-55**

**SMS poruka na broj: 032 650 800**

**E-mail: call.centar@opcina-tesanj.ba**

**Potrudit ćemo se da odgovorimo u  
roku od 72 sata!!!**



Izdaje: **OPĆINA TEŠANJ**

**Redakcija:**

Edina Kadušić, Samir Brka,  
Kanita Gredelj i Bahrudin Nočić.

**Glavni i odgovorni urednik:**

Edina Kadušić

**Adresa Redakcije:**

Općina Tešanj, Trg Alije Izetbegovića 11  
74260 Tešanj

**Telefoni:** 032 650-341 i 032/650-022 (lokal 107)

**Fax:** 032/650-220

**E-mail:** [press@opcina-tesanj.ba](mailto:press@opcina-tesanj.ba)

**Tiraž:** 2.000

**Štampa:** Grafik-komerc

## Kako koristiti uslugu CALL CENTAR!

Uslugu možete koristiti na jedan od sljedećih načina:

### 1. Telefonskim pozivom na broj 0800-234-55

- U toku radnog vremena općinske administracije javit će vam se kontakt osoba, koja će saslušati i zabilježiti vaše podatke, a po rješavanju vašeg zahtjeva odgovoriti na način kako ste vi to tražili.

- Poslije radnog vremena dostupan je automatski uređaj koji će vam dati potrebne informacije kako ostaviti poruku. Sljedeći radni dan vaša poruka će biti saslušana i obrađena.

### 2. SMS porukom na broj 032 650 – 800

- Pošaljite SMS poruku sa vašim podacima i opisom problema, primjedbom koju imate i sl., a naši službenici će obraditi i pravovremeno vas obavijestiti.

### 3. Slanjem e-maila na adresu call.centar@opcina-tesanj.ba

- Pošaljite e-mail sa vašim podacima i opisom problema, primjedbom koju imate i sl., naši službenici će obraditi i pravovremeno vas obavijestiti.

### 4. Ako koristite pametni telefon

Instalirajte aplikaciju i moći ćete čitati vijesti, ali i slati prijave sa fotografijom i GPS koordinatama. Aplikacija dostupna za android i IOS operative sisteme.

<https://play.google.com>

[www.apple.com](http://www.apple.com)

**Napomena:** Svi telefonski pozivi, kao i uneseni podaci se snimaju u bazu podataka i bit će korišteni isključivo za potrebe općinske administracije.

**Potrudit ćemo se da odgovorimo  
u roku od 72 sata!!!**

# BUDŽET OPĆINE TEŠANJ ZA 2017. GODINU

\* Budžet Općine Tešanj za 2017. godinu je usvojen na 3. sjednici Općinskog vijeća Tešanj održanoj 29.12.2016. godine.

\* Usvojeni Budžet iznosi **16.912.000 KM**, što je više od Budžeta za 2016. godinu za 131.000 KM.

\* Kapitalni dio budžeta čini 45,21% ukupnog Budžeta i iznosi 7.646.000 KM. Najznačajnije ulaganje Budžeta Općine za 2017. godinu čini nastavak radova na Projektu prikupljanja, odvodnje i prečišćavanja otpadnih voda. Naredna faza ovog Projekta planirana je u visini od 3.650.000 KM. Novina u kapitalnom dijelu budžeta je izdvajanje posebne stavke za nastavak gradnje sportskih dvorana za potrebe četiri osnovne škole ukupne visine od 210.000 KM.

\* Za naredni period je planirana izrada posebnog budžetskog prospekta koji će na pristupačan način predstaviti Budžet Općine za 2017. godinu, sa prikazom općinskih prihoda, nadležnosti, aktivnosti i projekata koji se iz njega finansiraju.


\*Visina i struktura prihodovne strane Budžeta je iskazana u sljedećem tabelarnom pregledu:

Redni Broj	Grupa prihoda i primitaka	Budžet za 2016. godinu	Procent 4/suma	Budžet za 2017. godinu	Procent 6/suma
1	2	3	4	5	6
1.	Direktni porezi	1.904.000	11,35%	2.096.000	12,39%
2.	Indirektni porezi	4.695.000	27,98%	4.695.000	27,76%
3.	Neporezni prihodi	2.762.000	16,46%	2.656.000	15,70%
4.	Tekući grantovi	1.020.000	6,08%	1.068.000	6,32%
5.	Kapitalni grantovi i primici	2.860.000	17,04%	2.917.000	17,25%
6.	Prenesena sredstva	890.000	5,3%	1.080.000	6,39%
7.	Kreditna sredstva	2.650.000	15,79%	2.400.000	14,19%
	<b>SVEGA PRIHODI I PRIMICI</b>	<b>16.781.000</b>	<b>100,00%</b>	<b>16.912.000</b>	<b>100,00%</b>

\* Ukupni rashodi i izdaci Budžeta su iskazani u sljedećem tabelarnom pregledu:

Redni broj	Grupa rashoda i izdataka	Budžet za 2016. godinu	Procent 4/suma	Budžet za 2017. godinu	Procent 6/suma
1	2	3	4	5	6
1.	Sredstva za plate i naknade	2.403.000	14,32%	2.498.000	14,77%
2.a	Direktni materijalni rashodi Organa uprave	961.600	5,73%	934.000	5,52%
2.b	Ostale usluge za opštredruštvene potrebe	1.944.000	11,58%	1.750.000	10,35%
3.	Tekući grantovi, kamate i sredstva rezervi	3.672.400	21,88%	3.984.000	23,56%
4.	Kapitalni grantovi (transferi) i izdaci	7.560.000	45,05%	7.646.000	45,21%
5.	Povrat sredstava finansiranja	240.000	1,43%	100.000	0,59%
	<b>SVEGA RASHODI I IZDACI</b>	<b>16.781.000</b>	<b>100,00%</b>	<b>16.912.000</b>	<b>100,00%</b>

\* Nova struktura prihodovne i rashodovne strane Budžeta iskazana je u sljedećem grafičkom prikazu:





Povodom općinskog praznika 10. decembra – Dana grada Tešnja u sali Općinskog vijeća Tešanj održan je svečani prijem Općinskog načelnika.

Ovom prilikom, prigodnim govorom o značaju obilježavanja 10. decembra prisutnim gostima se obratio Općinski načelnik Suad Huskić.

U okviru obilježavanja Dana grada Tešnja, u 15,00 sati u Centru za kulturu i obrazovanje održana je tribina Dobročinstvo kao građanska obaveza, a u 18,00 sati na novouređenom trgu koncert grupe Divanhana.

Obilježavanju Dana grada Tešnja prisustvovali su vijećnici, predstavnici vjerskih zajednica, direktori javnih ustanova i preduzeća, predstavnici političkih stranaka, privrednici i mediji.

Prema odluci Općinskog vijeća Tešanj, općinski praznik 10.

decembar sjećanje je na daleku prošlost kada je vakif Gazi Ferhad-beg utemeljio Tešanj kao urbanu sredinu.

## ODRŽANA 3. SJEDNICA OPĆINSKOG VIJEĆA

U sali Općinskog vijeća Tešanj, u četvrtak 29. decembra sa početkom u 14,00 sati održana je 3. sjednica Općinskog vijeća, sa predloženim dnevnim redom:



1. Budžet Općine Tešanj za 2017. godinu,
2. Prijedlog Odluke o izvršavanju Budžeta za 2017. godinu,
3. Prijedlog Programa rada Općinskog vijeća Tešanj za 2017. godinu,
4. Prijedlog Odluke o izmjenama i dopunama Odluke o utvrđivanju Standarda i kriterija za imenovanje na upražnjene pozicije u reguliranim tijelima općine Tešanj,
5. Prijedlog Odluke o davanju nekretnina na korištenje u Bukvi,
6. Prijedlog Odluke o odobravanju raspisivanja javnog konkursa za nekretnine oznake k.p.broj:5/32 u Poslovnoj zoni Bukva,
7. Prijedlog Odluke o odobravanju raspisivanja javnog konkursa za nekretnine oznake k.p.broj:5/14 u Poslovnoj zoni Bukva,
8. Prijedlog Odluke o grbu i zastavi Općine Tešanj,
9. Prijedlog Rješenja o imenovanju Komisije za izbor i imenovanje,
10. Prijedlog Rješenja o imenovanju Komisije za provođenje javnog nadmetanja-licitacije u postupku prometa općinskim zemljištem,
11. Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama,
12. Informacija o rješavanju statusa izbjeglih i raseljenih lica na području općine Tešanj.

Tokom sjednice, najviše rasprave je bilo oko 1. tačke dnevnog reda: *Budžet Općine Tešanj za 2017. godinu*, koja je nakon dodatnih objašnjenja, usvojena. Također, rasprave je bilo i oko 5. tačke dnevnog reda: *Prijedlog Odluke o davanju nekretnina na korištenje u Bukvi*, koju je Vijeće, uz zaključak, usvojilo.

I ostale tačke, Vijeće je usvojilo i završilo sa radom u 18,15 sati.



# POTPISAN UGOVOR ZA GRADNJU BUNARA ZA EKSPLOATACIJU VODE ZA PIĆE U JELAHU

Općinski načelnik Suad Huskić i Ministar poljoprivrede, vodoprivrede i šumarstva ZDK Himzo Smajić, u prisustvu direktora JP RAD Tešanj Mirsada Šaranovića potpisali su ugovor za Izgradnju probno-eksploatacionog bunara za eksploataciju vode za piće u Jelahu. Radi se o realizaciji projekta iz Programa utroška sredstava vodnih naknada za 2016. godinu.

Danas smo potpisali ugovor za gradnju novog bunara u Jelah polju, ukupne vrijednosti skoro 200.000 KM, od čega jednake iznose osiguravaju Ministarstvo poljoprivrede, vodoprivrede i šumarstva ZDK i JP RAD, Tešanj, dok je Općina Tešanj finansirala projektovanje i studiju, te rješavanje imovinsko-pravnih odnosa, kazao je Općinski načelnik Suad Huskić.

Sporazumom o zajedničkom učešću u realizaciji projekata iz Programa utroška sredstava vodnih naknada za 2016. godinu, Ministarstvo poljoprivrede, šumarstva i vodoprivrede ZDK finansira i izgradnju sljedećih projekata na području općine Tešanj:

1. Izgradnja vodovoda Tepe-Hrvatinići u iznosu od 66.616,22 KM,
2. Izgradnja vodovoda Raduša u iznosu od 111.855,56 KM,
3. Izgradnja preostalog dijela distributivnih cjevovoda i sekundarnog cjevovoda na vodovodu Medakovo-Trepče u iznosu od 160.000,00 KM (Općina 161.025,38 KM),
4. Izgradnja kanalizacije Šije u iznosu od 25.459,91 KM.



## USPJEŠNI AUDITI U OPĆINI TEŠANJ

Certifikacijska kuća Bureau Veritas (BVQI), 20. decembra 2016. godine obavila je nadzorne audite sistema upravljanja kvalitetom prema zahtjevima normi ISO 9001:2008 i upravljanja okolišem prema normi ISO 14001:2004, te su u Općinu Tešanj zvanično dostavljene i ocjene sa nadzornih audita koje potvrđuju da je sistem upravljanja kvalitetom i okolišem na zavidnoj razini i da u potpunosti zadovoljava zahtjeve normi, a posebno potrebe krajnjih korisnika.

Podsjetimo, Općina Tešanj certificirana je po standardima upravljanja kvalitetom ISO 9001:2000 20. januara 2004. godine, a po normama upravljanja okolišem ISO 14001:2004 16. februara 2012. godine.



## OPĆINA TEŠANJ GODINU DANA NOSILAC BFC CERTIFIKATA

U okviru redovne posjete općinama koje već godinu dana posjeduju BFC certifikat, predstavnica Certifikacijske kuće Amra Jaganjac posjetila je Općinu Tešanj. Tokom nadzorne posjete, održan je sastanak sa Općinskim načelnikom Suadom Huskićem, a nakon toga i sa članovima Komisije za BFC certifikaciju. Cilj posjete je bio da se Tehnički sekretarijat izvijesti da li Općina Tešanj radi u skladu sa preporukama Verifikacione komisije.

Općina Tešanj je ispunila uslove za certificiranje općina sa povoljnim poslovnim okruženjem prema zahtjevima BFC SEE standarda (Business Friendly Certification South East Europe - BFC SEE), ispunjavajući 12 kriterija i više od 80 podkriterija, koji se odnose na unapređenje kvaliteta usluga i informacija koje jedinice lokalne samouprave pružaju privrednicima i stranim investitorima.

Nakon petnaest mjeseci postupaka i procesa, odlukom Regionalnog vijeća jednoglasno je potvrđena pozitivna ocjena Komisije i Općina Tešanj je zvanično postala nosilac BFC certifikata za povoljno poslovno okruženje. Ocijenjeni smo sa 94,6 od 100 mogućih bodova što je do sada najveća ocjena koju je dobila jedna općina u procesu certificiranja u regionu (Hrvatska, Srbija, Makedonija, BiH).




# VIJEĆNICI U OPĆINSKOM VIJEĆU TEŠANJ KOJI SU OSVOJILI MANDAT NA LOKALNIM IZBORIMA 2016



OPĆINSKI NAČELNIK  
SUAD HUSKIĆ (SDA)

SDA - 11 vijećnika  
SDP - 5 vijećnika  
SBIH - 2 vijećnika  
SBB - 2 vijećnika  
A-SDA - 2 vijećnika  
BPS - 2 vijećnika  
DF - 1 vijećnik



PREDSJEDAVAJUĆI OV  
SENAD SUBAŠIĆ (SDA)



Adnan Lihic (SDA)



Amir Kurtic (SDA)



Amir Piro (SBB)  
zamjenik  
Predsjedavajućeg OV



Danijel Pašić (SDP)



Edin Mahmutović (A-SDA)



Elvir Pilav (SDP)



Enes Hodžić (SDP)



Esmir Kotorić (SDA)



Fahir Solo (A-SDA)



Fahrudin Pezer (SDA)



Hajrudin Alić (SBiH)



Haris Jašić (BPS)



Kasim Huskić (SDA)



Kenan Turkeš (SDA)



Mirano Jupić (DF)



Mirsad Omić (SDA)



Munevera Alić (SBiH)



Muris Hrnjić (SBB)



Nermin Deljkić (SDP)



Sedina Hodžić (SDA)



Senad Hasanbašić (BPS)



Šemsudin Klepić (SDA)



Vahdo Hrvić (SDA)



Vedran Kaser (SDP)

# OPĆINA TEŠANJ I UNDP ZAJEDNIČKI REALIZUJU POJEKTE U MJESNIM ZAJEDNICAMA


Predstavnica UNDP-a Nermina Klokić, u sklopu projekta *Jačanje uloge mjesnih zajednica (MZ) u Bosni i Hercegovini (BiH)* posjetila je Općinu Tešanj i sa koordinatorom projekta iz Općine Tešanj posjetila teren kako bi se uvjerila u stepen realizacije projekata za koje su potpisani Ugovori.

Završeno je asfaltiranje puteva u MZ Kalošević, ukupne vrijednosti 35.474,35 KM (26.974,35 KM UNDP i Općina, te učešće građana u iznosu od 8.500,00 KM) i u MZ Miljanovci Lončari ukupne vrijednosti 29.224,00 KM, dok su projekti u MZ Raduša, MZ Jablanica i MZ Tešanjka, ukupne vrijednosti 71.552,62 KM, ušli u završnu fazu.

Projekat MZ Jelah, ukupne vrijednosti 29.580,70 KM - izgradnja dijela tribine na stadionu FK Borac, početak radova je odgođen na zahtjev predstavnika mjesne zajednice zbog promjene lokacije, te je njegova realizacija u početnoj fazi.

Svi ovi projekti se finansiraju zajedničkim sredstvima Vlada Švicarske i Švedske putem UNDP i Općine Tešanj u omjeru 70:30. U slučaju povoljnih vremenskih uslova, do kraja tekuće godine očekuje se završetak ugovorenih radova u svim mjesnim zajednicama, partnerima u Projektu.

Projekat *Jačanje uloge mjesnih zajednica (MZ) u Bosni i Hercegovini (BiH)* je zajednička inicijativa Vlada Švicarske i Švedske, čija je vrijednost 14,5 miliona KM. U aktivnostima prve faze koja će trajati do sredine 2019. godine, učestvovat će 120 mjesnih zajednica i 20 JLS širom zemlje, čime će utjecati na poboljšanje kvalitete života 300.000 ljudi.





# UČENICIMA DONIRANA GEODETSKA OPREMA

U prostorijama Općine Tešanj, predstavnicima JU Srednja tehnička škola Tešanj uručena je geodetska oprema koja će se koristiti za potrebe predmeta Geodezija. Školi je ustupljen otpisani mjerni instrument uz pribor, i to: Teodolit DAHLTA 010A sa pratećim priborom, mjerna letva, nogari i razni obrasci.

Primopredaji su prisustvovali Senad Mahmutović, zaposlenik Službe za katastar, urbanizam i imovinsko-pravne poslove Općine Tešanj, Enisa Nuhanović u ime JU Srednja tehnička škola Tešanj, kao i učenici Hazim Unkić i Muhidin Bobarić.



## NABAVLJENA GEODETSKA OPREMA

U prostorijama Federalne uprave za geodetske i imovinsko-pravne poslove organizovano je preuzimanje geodetske opreme koja se putem zajedničkog finansiranja nabavila za potrebe jedanaest općinskih službi nadležnih za geodetske poslove i katastar nekretnina. Tim povodom, predstavnici općina, uključujući i Općinu Tešanj potpisali su certifikate o primopredaji i preuzeli GNSS i TS opremu.

Nabavka opreme je osigurana iz sredstava Projekta registracije nekretnina (RERP), koji se finansira kreditnim sredstvima Svjetske banke (SB). Federalna uprava za geodetske i imovinsko-pravne poslove i općine su učestvovali u sufinansiranju nabavke geodetske opreme (GNSS i totalne stanice).

Oprema je nabavljena u cilju efikasnijeg i boljeg funkcioniranja službi nadležnih za geodetske poslove i katastar nekretnina.



## PROŠIRENJE VODOSNABDIJEVANJA NA PROSTORU OPĆINE TEŠANJ

Općinski načelnik Suad Huskić imao je radni sastanak u Centru za međunarodnu saradnju i razvoj Slovenija (CMSR) sa direktorom Gašparom Ježom, na temu realizacije ranije kandidovanog projekta proširenja i poboljšanja vodosnabdijevanja na prostoru općine Tešanj.

Općina Tešanj je u 2016. godini kandidovala projekat koji je uvršten u plan rada CMSR za 2017. godinu. Projekat podrazumijeva dovršetak gradnje bunara u Jelah polju i prvu fazu realizacije vodosnabdijevanja Raduše. Kako je najavljeno iz CMSR-a postoji spremnost da se obezbijede donatorska sredstva Slovenije u iznosu od 165.000 eura u ukupnom projektu koji je u ovom trenutku procijenjen na oko 520.000 eura. Sastanak je organiziran kako bi se se razgovaralo o uslovima i načinu realizacije projekta. Inače, CMSR je institucija putem koje Republika Slovenija pruža finansijsku i drugu podršku zemljama potencijalnim i kandidatima za članstvo u EU. Sastanku su prisustvovali i predstavnici preduzeća Projekt Nova Gorica.



# URUČENE ZAHVALNICE PREDSJEDNICIMA SAVJETA MJESNIH ZAJEDNICA



Povodom 25. novembra – Dana državnosti Bosne i Hercegovine, Općinski načelnik Suad Huskić i predsjedavajući Općinskog vijeća Senad Subašić upriličili su prijem i dodjelili zahvalnice predsjednicima savjeta mjesnih zajednica u mandatu 2012-2016. godina.

Zahvalnice za uspješnu saradnju u prethodnom mandatu su dobili: Esmir Bašić (MZ Bobare-Drinčići-Blaževci), Bedrudin Krdžalić (MZ Bukva), Hamza Hotić (MZ Dobropolje-Mekiš), Kenan Turkeš (MZ Džemilić Planje), Fehro Bašić (MZ Jablanica), Ismet Zeničanin (MZ Jelah), Emir Dizdarević (MZ Jevadžije), Fahrudin Bobarić (MZ Kalošević), Nihad Halilović (MZ Karadaglije), Fahrudin Pezer (MZ Kraševo), Ibrahim

Čamdžić (MZ Ljetinić), Enes Ćosatović (MZ Medakovo), Senad Lekić (MZ Miljanovci – Lončari), Nedžad Unkić (MZ Mrkotić), Šemsudin Klepić (MZ Novi Miljanovci), Hidajet Hadžić (MZ Novo Selo), Senad Hatkić (MZ Oraš Planje), Mihret Solo (MZ Piljužići), Nedžad Kašibović (MZ Raduša), Muhamed Agić (MZ Rosulje), Edin Alić (MZ Šije), Mustafa Smailbegović (MZ Tešanj), Dževad Bekrić (MZ Tešanjka), Avdo Hasanbašić (MZ Trepče) i Suljo Fejzić (MZ Vukovo).

*Na ovaj način smo željeli iskazati poštovanje prema onome što su predstavnici mjesnih zajednica radili u prethodne četiri godine, a naravno ovo je i prilika da im čestitamo Dan državnosti BiH, kazao je Općinski načelnik Suad Huskić.*

U okviru Programa obilježavanja 25. novembra, u Centru za kulturu i obrazovanje održana je predstava *Mojoj dragoj BiH*, program učenika Gimnazije Musa Ćazim Ćatić, Tešanj.

## OBILJEŽEN 25. NOVEMBAR – DAN DRŽAVNOSTI BOSNE I HERCEGOVINE

Povodom 25. novembra – Dana državnosti Bosne i Hercegovine položeno je cvijeće na Centralno spomen obilježje šehidima i poginulim borcima 1992-1995. godina, na bistu narodnog heroja Huse Hodžića i Partizansko groblje u Tešnju.

Cvijeće su položili predstavnici Općine Tešanj, predstavnici boračkih udruženja sa područja općine Tešanj i mladi članovi Odreda izviđača *Crni vrh*.

U Centru za kulturu i obrazovanje održana je i tribina na temu *Bosna i Hercegovina: (geo)politički izazovi*, dr. Seada Turčila, a Program obilježavanja 25. novembra zatvoren je izložbom *Antifašizmom za državu BiH*.



# DEMINIRANJE U 2016. GODINI

U toku 2016. godine nastavljena je aktivnost deminiranja miniranih površina na području općine Tešanj u skladu sa raspoloživim projektima sa Liste prioriteta za 2016. godinu. U ovoj godini je ukupno deminirano pet projekata sa ukupnom površinom od 380.435 m<sup>2</sup>. Svi projekti su deminirani metodom tehničkog izviđanja.

Red. broj	NAZIV PROJEKTA DEMINIRANJA	DEMINIRANA POVRŠINA	VRSTA PMA	SREDSTVA
1.	Kalošević-Bugarinovići 3	57.971 m <sup>2</sup>	Tehničko izviđanje	Vlada Japana
2.	Vrela-Crvena zemlja	43.284 m <sup>2</sup>	Tehničko izviđanje	Vlada Japana
3.	Lončari-Podomin 5	93.251 m <sup>2</sup>	Tehničko izviđanje	Vlada Japana
4.	Lončari-Podkomin 6	129.780 m <sup>2</sup>	Tehničko izviđanje	Vlada Njemačke i Općina Tešanj (10%)
5.	Kalošević-Bugarinovići 4	56.149 m <sup>2</sup>	Tehničko izviđanje	Timovi Federalne uprave civilne zaštite
UKUPNO DEMINIRANO U 2016:		380.435 m <sup>2</sup>		

Također, izvršeno je projektovanje četiri nova projekta miniranih površina na području Oraš Planja, sa ukupnom površinom od 125.134 m<sup>2</sup>, koji će se naći na Listi prioriteta za 2017. godinu.

## OPREMA ZA PRIPADNIKE CIVILNE ZAŠTITE

U skladu sa planiranim godišnjim opremanjem struktura civilne zaštite, Općina Tešanj je provela proceduru javne nabavke opreme za pripadnike civilne zaštite. U okviru iste nabavljena je radna odjeća za pripadnike Profesionalne vatrogasne jedinice (PVJ), lična oprema za pripadnike jedinice opće namjene i specijalna oprema za spašavanje na vodi. Nakon provedenih redovnih obuka pripadnika civilne zaštite, uslijedilo je i njihovo opremanje, što svakako doprinosi jačanju ukupnog sistema zaštite i spašavanja na području općine Tešanj.



## PRIKUPLJANJE ELEKTRONSKOG I ELEKTRIČNOG OTPADA

Općina Tešanj je u saradnji sa mjesnim zajednicama 16. i 17.10.2016. godine na području općine Tešanj provela akciju prikupljanja elektronskog i električnog otpada (EE otpad). Tokom akcije, koja je uslijedila nakon što je putem mjesnih zajednica i medija stanovništvo upoznato o terminima i mjestima za sakupljanje EE otpada, prikupljen je 341 komad raznih vrsta električnog i elektronskog otpada, koji je nakon preuzimanja i adekvatno zbrinut. Ova aktivnost je vođena u skladu sa ciljevima iz Strategije za dostizanje vizije "Tešanj-sredina ekološke svijesti, čistoće i reda".


**OPĆINA TEŠANJ**  
eko vizija

**AKCIJA  
PRIKUPLJANJA ELEKTRONSKOG I ELEKTRIČNOG OTPADA**

*U kategoriju EE otpada spada*

**1. Veliki kućni aparati:**  
veliki aparati za hladnjače, frižideri, zamrzivači, veš mašine, mašine za posude, električni sporeti, mlazne cijeve, električni uređaji za grijanje, električni ventilatori.

**2. Malo kućnih aparata:**  
sušilaći, pegle, pećnice, aparati za pripremu kafe, aparati za licanje i silenije, i ostalo.

**3. Oprema za IT i telekomunikacije:**  
lični računari (CPU) – centralni procesorska jedinica, mis, monitor, tastatura, prenosni računari, laptop, računari noteпад, štampači, oprema za kopiranje, električne mašine za licanje, džepni i stoni kalkulatori, telefaks, telefoni (bežični, mobilni).

**4. Oprema za zabavu i elektroniku:**  
radićni TV prijemnici, videokamera, videorekorderi i slični uređaji.

**5. Električno i elektronsko opremlje:**  
bušilice i hrasilice, testere, trošile za varenje, lemljenje i slično.

**6. Oprema za osvetljenje:**  
svjetiljke za fluorescentne sijalice, obojne svjetiljke za fluorescentne sijalice, fluorescentne sijalice, kompaktne fluorescentne sijalice, visokonaponske svjetiljke sa natrijovom parom i metalhalidnim sijalicama, niskonaponske svjetiljke sa natrijovim parom.

EE otpad je skupina svih za sve vrste električnih i elektronskih uređaja, opreme, nadzemni i podzemni instalacione dijelove posrednim uređajima koji sadrže materijale i druge komponente.

EE otpad spada u općinski općinski otpad (EOO) i spada u kategoriju otpada koji sadrži kadmij, niob, srebro, brom, cink, olovo, arsen, kobalt, sumpor, ugljenik, vanadij, bor, i sva druga neopćinski općinski otpad i općinski otpad koji sadrži općinski otpad.

**EE OTPAD JE OPANAN PO ZDRAVLJE LJUDI I PO OKOLIS**





# OPĆINA TEŠANJ

[www.opcina-tesanj.ba](http://www.opcina-tesanj.ba)

2017